



**2020-2021 оқу жылы**

### **Тәрбиелік іс-шаралардың сараптамасы**

Еліміздегі білім мен тәрбие беретін мекемелердің бәрі де 1 қыркүйек күнін «Білім күні» деп арнайы атап өту бірнеше жылдан бері дәстүрге айналғандығы белгілі. Соған орай, барлық санитарлық талаптарды сақтай отырып, Жаңаауыл бастауыш мектебінде де қыркүйек айының алғашқы күнінде Білім күніне арналған салтанатты іс-шара ұйымдастырылды. Бұл шараның мақсаты балалардың білімге деген қызығушылықтарын асырып, мектеп өміріне белсене қатысуына ықпал ету, жас ұрпақты ұлтжандылыққа, елжандылыққа, адалдық пен мейірімділікке, мектеп пен ұстаздарды құрметтеуге еді.

Оқушылардың спорттық ойындарға бейімдеу, денсаулықтарын жасарту, қызығушылықтарын арттыру, олардың адамгершілік, күш, ерік-жігер қасиеттерін және психологиялық процестер мен адамдық қасиеттерді, дене мүшелерінің сұлулығын қалыптастырып, қимыл-қозғалыс қабілеттерін дамыту, дене шынықтыру жаттығулармен өз бетінше шұғылдануға, этикалық және эстетикалық тәрбие беру мақсатымен мектебімізде Денсаулық күніне орай «Денің сау болсын десең...» атты спорттық іс – шара ұйымдастырылды.

Сондай-ақ «Жол жүру ережелерінің» жоспарлары бойынша әр сыныпта «Жол ережелерін білеміз бе?», «Көше күтпенген оқиғаларға толы», «Жолда жүру әліппесі» сияқты тақырыптарында жұмыстар жүргізілді.

Жыл сайын 22 қыркүйекте Республикамыздағы барлық ұлт өкілдері Тілдер күнін атап өтеді. Әрбір тілдің басқа ұлт өкілдерінің тілдерімен байланысты өзіндік тарихы, тағдыры бар. Тіл арқылы біз үнемі қарым-қатынаста боламыз. Тіл мен қарым-қатынас біріккенде сыйластық, ұлттардың достығы, адамгершілік пайда болады. Халықтар достығының арқасында біздің қоғамымыз, тіліміз дами береді.

Жаңаауыл бастауыш мектебінде 14-қыркүйектен 23-қыркүйекке дейін «Тілге құрмет-елге құрмет» тақырыбында тілдер мереkesінің онкүндігі өткізілді. Мақсаты: Жас ұрпақты мемлекеттік тілді мақтан тұтуға, құрметтеуге тәрбиелеу. Туған елін сүйуге, еліне деген мақтаньш, сүйіспеншілік көз қарастарын қалыптастыру. Оқушылардың «ҚР-ғы Тіл туралы» Заңына арқау болып отырған мемлекеттік тіліне деген құрмет сезімін ояту, қазақ тілінің мемлекеттік тіл ретіндегі мәні мен маңызына терең мән беру, тіл мен әдебиетке

деген қызығушылығын арттыру, өз елінің салт-дәстүрін құрметтеуге тәрбиелеу, отаншыл болуға баулу.

Қыркүйектің 14-і мектеп оқушыларының қатысуымен тіл мерекесіне арналған салтанатты саптық жиын өткізілді. Онкүндікте өткізілетін іс-шаралармен таныстырылды. Онкүндік барысында бірнеше іс – шаралар ұйымдастырылды.

0-4 сыныптар арасында «Өлең сөздің патшасы» тақырыбында мәнерлеп оқу сайысы өткізілді. Сайыста оқушылардың оқу мәнеріне ерекше көңіл бөлініп, өлеңдерін өте жақсы оқыған 4-сынып оқушылары Жақсылық Әлішер мен 3-сынып оқушысы Саттыбалды Айша болды. Барлық оқушылардың тіл жайында айтқан өлеңдері тыңдалып, талқыланды.

«Ана тілің –арың бұл» деген тақырыпқа шығарма жазу ұйымдастырылды. Балалар ана тілі, оның орны туралы бар ойларын қағаз жүзіне түсіруге тырысты.

Қорыта келгенде, Тілдер мерекесінде өткізген іс-шараларымыз оқушыларда өзіне деген жауапкершілікті алуға қабілеттілік, шешімдерді бірлесіп қабылдауға қатысу, бірін-бірі құрметтеу, бірнеше тілді меңгеру құзыреттіліктері қалыптасты.

Қазан айының 10-ны күні «Ас атасы-нан» атты іс-шара ұйымдастырылды. Бұл шараның мақсаты өскелең ұрпақты еңбекқорлыққа, нанды қастерлеуге, «Ас атасы –нан»екендігін, нанның адам өміріндегі ең маңызды ас екендігін, оның оңай жолмен келмейтіндігін айтып ұғындыру. Нанның қалай дастарханға келетінін айтып ,оған көптеген адамдар еңбек еткендігін түсіндіру болды. Сондай ақ өмірден алған білімдерін, түсініктерін жетілдіру. тәрбие беру болды.

Қарашаның айында оқушыларды Ұлы ақынның балалық және жастық шағы, өскен ортасымен таныстыру мақсатымен «Абайды оқы –таңырқа» атты іс-шара ұйымдастырылды. Балалар ғұламаның ақындығы мен композиторлығымен танысып, Абай шығармашылығын сүйіп оқуға, өмірін, қасиеттерін үлгі ете отырып, білім-ғылымға құмарлығын арттыру,жас ұрпақты Абай шығармашылығын танып өсуге тәрбиелеу іс-шараға қатысты..

Желтоқсан оқиғасы өзінің қайсарлығымен , алға қойған мақсат-мұратымен ,әрбір адамның есінде мәңгі сақталады. Осыған орай мектебімізде «Желтоқсан қаһармандары» тақырыбында ашық сабақ өткізілді.Елін, жерін , тілін құрметтейтін, өз Отанын сүйетін азамат қалыптастыру , от жүректі өжет мінезді ұл-қыздардың ерлік істеріне мәңгі құрмет көрсетуге баулу, патриоттық сезім қалыптастыру мақсаттары көзделген еді.

Мемлекеттік рәміздер туралы түсініктерін нығайту, дамыту мақсатымен «Мемлекеттік рәміздер» атты ашық сабақ өткізілді. Оқушыларға өз

тәуелсіздігімізге аяқ басқан кезеңде төл рәміздер дүниеге келгені, Елбасымыз жаңа мемлекеттік рәміздерді қабылдауға зор мән бергені жайлы әңгімеленіп, рәміздер туралы түсінік берілді. Соңында оқушылар «Рәміздер – елдігімнің белгісі» атты тақырыпқа сурет салып, сурет көрмесі ұйымдастырылды. Сондай-ақ «Қазақстан-туған елім» атты викторинаның сұрақтарына жауап беріп, өз ойларын жеткізе білді.

Қазақстан Республикасының Тұңғыш президенті Н.Ә.Назарбаевтың өмірі мен қызметі жайлы оқушылардың білімдерін одан әрі толықтыру, жас ұрпаққа Елбасымыздың сан қырлы талант иесі, тұлға екенін таныстыру мақсатымен «Елі сүйген Елбасы» атты тәрбие сағаты ұйымдастырылды. Сондай-ақ елімізге еңсе тіктетіп, мемлекетімізді мығымдап берген, халқымызды әлемге танытқан Елбасының кісілік келбетімен таныстыру еді. Елін сүйген, елі сүйген Елбасының өмір жолынан үлгі ала отырып Отанын, халқын сүйуге, ержүректілікке, азаматтыққа, ұлттық патриоттық сезімге тәрбиелеу мақсаттары көзделген еді.



Желтоқсанның алғашқы аптасында «Рухани жаңғыру :Мен елімнің ертеңімін» деген тәрбиелік іс –шара ұйымдастырылды. Бұл шараның мақсаты оқушыларды Отанды сүйуге, өз елін, тарихын білуге, жалпыадамзаттық құндылықтар мен терең көзқарастарды сіңіру арқылы таным белсенділіктерін арттыруға бағытталған еді..

Өскелен ұрпақты еліміздің өткенін білуге, тарихымызды құрметтеуге тәрбиелеу, Желтоқсан оқиғасы қаншалықты қайғылы болғанымен елге тартқан сыйы – Тәуелсіздік екендігін насихаттай отырып, Желтоқсан құрбандарын мәңгі есте сақтап, туған жерінің нағыз патриотты тәрбиелеу мақсатымен желтоқсанның 15-і мектебімізде Тәуелсіздік ту астында » атты патриоттық іс –



шара



аталып



өтті.

Желтоқсан айының соңғы күндерінде мектебімізде оқушылардың асыға күткен Жаңа жылдық мерекесі өтті. Балаларға Жаңа жыл туралы ұғым беріп, жаңа жылды татулықпен, достықпен, бірлікпен өткізуге, оларға мерекелік көңіл-күй сыйлау, көңілді етіп ұйымдастыру, достық қарым – қатынастарын нығайту болды бұл іс – шараның мақсаты.



Қазақтың ұлттық ойындары асық ойнау, қол күрес, тақия тастамақ ойындары арқылы балаларға қазақтың салт – дәстүрі, әдет – ғұрпын, туған елге, жерге, өз Отанына деген сүйіспеншілік сезімдерін арттыру мақсатымен «Ұлттық ойын-халық мұрасы» атты сынып сағаты өтті. Іс-шараның барысында балаларды қазақтың ұлттық ойындары мен таныстыра отырып ойын шартын дұрыс бұзбай ойнауға үйретіп, ойлау, есте сақтау қабілеттерін дамытып, қазақтың ұлттық ойындарын ойнай білуге тәрбиелеу болды.

Мектебімізде ақпанның 2-12 аралығында «Өзін-өзі тану: Махаббат пен Шығармашылық педагогикасы» атты дәстүрлі онкүндік ұйымдастырылған түрде аталып өтті. Онкүндік салтанатты түрде ашылып, оқушылар өткізілетін іс-шаралармен таныстырылып, белсенді қатысуға шақырылды.

«Өзін-өзі тану» рухани-адамгершілік бағдарламасының авторы С.А.Назарбаева жайлы «Мейірім төгетін ана» тақырыбында кітап көрмесі ұйымдастырып өтілді. «Алтын жүрек анамыз», «Сердце наполненное любовью» атты мәнерлеп оқу сайысы өтті. Балалардың ана, жақсылық, бейбітшілік және достық жайлы шығармашылық жұмыстарының көрмесі декада бойы толықтырылып отырылды.

Ақпанның 12-сі «Өзін-өзі» тану пәнінен «Мейірімділік-асыл қасиет», «Өнеге-отбасынан» тақырыбында сабақтар өтті.




Балалардың «сыйластық» құндылығы туралы түсініктерін кеңейту, ризашылық пен алғыс туралы түсінік беру, үлкен - кішіге деген сүйіспеншілігін, сыпайылық қарым - қатынасын дамыту, әдептілікке, кішіпейілділікке, ізеттілікке тәрбиелеу мақсатымен «Алғыс күні» өтті,

Аналарға деген сүйіспеншілікке баулу ,ана еңбегін ардақтап, мейірімділікке сый - құрметке тәрбиелеу, оқушылардың ой - өрісін тіл байлығын ойлау қабілеттерін дамыту, оқушыларға ата - ана алдындағы парызы мен қарыздары туралы түсініктеме беру үшін «Аналар –асыл жандар» атты тәрбие сағаты ұйымдастырылды.



«Қош келдің, Наурызым!» атты іс-шараның негізгі мақсаты оқушыларға ұлттық мереке-жыл басы Наурызды халқымыз қалай қарсы алғандығын үйретіп,насихаттап, Наурыз мерекесі жөніндегі білген,түйгенін одан әрі толықтыру болды.Оқушыларға ұлттық өнерімізді,ойындарды,салт-дәстүрі-мізді еркін меңгеріп,шебер орындай білу дағдыларын қалыптастыру,ұлттық салт-дәстүрлеріміздің ұмытылмай,жаңарып,осы заманғы өмірімізге кірігуіне,құрметтеуге тәрбиелеу мақсаттары көзделген еді.





Қазақстан Республикасындағы халықтардың ынтымақтастықпен, бірлікпен, тең құқықпен өмір сүріп жатқандығын және оны үлгі етіп, әр халықтың салт - дәстүрлерін сақтап келе жатқан қаншама ұлттардың салт - саналарынан хабардар ету, балалардың өз өнерлерін көпшілік ортаға салу арқылы шығармашылық білімдерін көрсету, балалардың жаңа қырларын ашу мақсатымен «Бір шаңырақ астында» атты тәрбие сағаты өтті.

Балаларға Қазақстан көп ұлтты мемлекет, онда қазақтар, орыстар, ұйғырлар, өзбектер, корейлер, украиндар, дүнгендер және тағы басқа ұлт өкілдері тұрады. Олар өздерінің осындай кең байтақ қазақ жерінде өмір сүріп жатқандарына қанша жыл өтсе де, қазақ халқының осынша кең пейіл, қонақжай екендігіне көз жеткізді. Олар өз елдерінде болмаса да, қазақтардың елін елім деп, жерін жерім деп құрметтеп, үлкен үлгілі отбасының кейпін көрсетуде туралы әңгімеленді.

«Ерлік-елге мұра» атты іс-шараның мақсаты Ұлы Отан соғысы туралы, елін жаудан қорғап қалған ержүрек отандастарымыз туралы түсінік беру; туған жерге деген сүйіспеншілігін арттыру; ата - бабамыздың ерлік істерін қастерлеп, үлгі - өнеге тұту; елжандылыққа, туған елін, жерін сүйуге, қорғауға тәрбиелеу болды.



Білім негізі, іргетасы – бастауыштан қаланатынына ерекше мән беру, бастауыш сыныптарда алған білімнің адам өмірінің мән-мағынасы үшін аса қажеттілігіне көз жеткізу, алған білімдері мен жетістіктерін іс жүзінде көрсете білу, Отансүйгіштікке баулу, жағымды мінез-құлық мәдениетіне, білімді, саналы ұрпақ болып өсуге жетелеп, бағыт-бағдар беру мақсатымен мектебіміздің оқу жылының соңғы күндері « Сыңғырла ,соңғы қоңырау» іс-шараның аясында « Қош бол ,бастауышым- балбұлағым» атты мерекелік іс-шарамен аталып өтті.